

147

I N S V L A R V M
S C H E T L A N D I Æ
D E S C R I P T I O;
E X B V C H A N A N O.

MAIN-
LAND,



Roxima post illam [*Faram*
scilicet] est insula Hetlandi-
carum maxima, quam ob
eam causam incolæ [*Main-*
land, id est,] Continen-
tem appellant, sexaginta
millia passuum longa, lata
alicubi sedecim, in pluri-

ma parva se promontoria spargens. Duo tan-
tum sunt, quæ nominare non pigeat: alterum,
longum, sed angustum in Septentriones ex-
currit: alterum latius in Orientem hibernum.
Maritima fere habitantur. Interiora nullum
animal præter volucres adit. Superioribus an-
nis incolæ latius quam majores eorum sole-
bant, excolere tentarunt: sed nullo prope
successu. Divitiæ eis sunt à mari, ab omni par-
te summa piscandi commoditate objecta.

ZEAL.

Ab ea ad decem millia Septentrionem ver-
sus est Zeal sita, supra viginti millia longa,
octo lata, adeo fera, ut nullum animal nisi illic
natum, ferat. In hac habitare dicitur Bremen-
sis mercator, qui omnes merces exoticas, qua-
rum illic usus abunde omnibus suppeditet, ap-
portet. Inter hanc, & Continentem jacent in-
sulæ minores Linga, Orna, Bigga, Sanctferri.

VUSTA.


Ultra hanc circiter novem millia ad Se-
ptentrionem jacet Vusta, supra viginti millia
in longum porrecta, in latum sex. Plana, &
alioqui non inamœna aspectu, nisi quod longe
fœvissimo mari ambiatur. Inter hanc, & Zeal
sunt interjectæ Via, Ura, Linga. Extra eam
ad Occidentem respiciunt Skeniæ duæ, Bur-
ra: ad Orientem Balta, Honnega, Fotlara se-
ptem millia longa, ab Vusta septem distans,
octo à Zeale: & objecta freto, quod Vustam
à Zeale dividit.

Multæ deinceps insulæ ignobiles præten-

duntur Orientali Continentis lateri; Mecla, *Alie insu-*
Skeniæ Orientales tres, Chualsa, Nostunda, *le.*
Brasa, & Mula. Latus Occidentale cingunt
Skeniæ Occidentales, Rottia, Papa parva,
Vonneda, Papa major, Valla, Trondra, Bur-
ra, Haura major, Haura minor, & inter eas
totidem fere Holmæ intersparsæ.

Victus ratio Hethlandicis eadem, quæ Or- *Mores.*
cadensibus: nisi quod juxta copias domesticas
paulo asperior. Vestiuntur Germanico ritu, sed
juxta facultates non indecore. Proventus il-
lis est ex panno sui generis crasso, quem Nor-
vegis vendunt; ex oleo è piscium intestinis
confecto, è butiro, è piscatu. Piscantur navi-
culis duorum scalmorum, quos factos à Nor-
vegis coëmunt. Quos coeperint pisces partim
sale condiunt, partim vento siccant. Ex iis fe-
re rebus divenditis pecuniam conficiunt, un-
de vectigalia solvunt: domos in quibus habi-
tent, suppellectilem universam, ac magnam
victus partem parant. In domestico instru-
mento qui elegantia student, nonnihil argen-
ti habent. Mensuris, numeris, ac pondere,
ad morem Germanicum utuntur. Germani- *Sermo.*
cus etiam, aut pene vetus Gothicus est illis
sermo. Ebrietatem ignorant, nisi quod singu-
lis mensibus se mutuo invitant: eosque dies
hilare, & simpliciter, sine rixis, & cæteris quæ
fert ebrietas, vitiis transigunt: eamque con-
suetudinem ad mutuum amicitiam retinen-
dam facere sibi persuadent. Salubritatis fir-
mitudo in Laurentio quodam nostra ætate
apparuit, qui post centesimum annum uxo-
rem duxit. Centesimum quadragesimum an-
num agens, fœvissimo mari in sua navicula pi-
scatum prodibat, ac nuper nulla vi gravioris
morbi labefactatus, sed senio solutus decessit.

NOVA DESCRIPTIO
S C H E T L A N D I Æ.



Hethlandiæ pars Meridionalior
licet Orcadibus insulis borea-
lioribus ob terræ altitudinem,
sit conspicua, ut & hæ vicissim
isti, à se invicem tamen absunt
ad 80 millia passuum, horren-
dum fremente & furente mari interfluente.

Scotia.

In medio fere illius maris trajectu jacet Fara, *FARA.*
id est, bella insula, (vulgo *the Faire ile*) Orcadibus
& Hethlandiæ conspicua, assurgens in-
ria alta
promontoria, rupibus excelsis præci-
ta, &
undique inaccessa, nisi quod ad orientem æsti-
vum, paululum se demittens, stationem tu-
tam navibus præbeat.

R r r

Huic